

TÌTULU SU DE TRES (III) **ORDINAMENTU DE AÌNTURUS**

Artìculu doxi **(Art. 12)**

Sa Comissioni si at a depi riuniri assumancu una borta dònna tres mesis, in su logu de sa Biblioteca Comunali. Apitzus de sa sètzida at a èssiri stèrriu apòsitu verbali chi ddu ant a allogai a incuru de su bibliotecàriu anca est sa bibliotesa etotu e una còpia at a èssiri presentada a s'Aministratzioni Comunali. Is atòbius de sa Comissioni ant a èssiri cunvocaus cun avisu scrittu, a firma de su Presidenti, inditendi is arrexonis chi ant a discuti, notifica a su domiciliu de dònna cumponenti. Is cumponentis de sa Comissioni chi no ant a intervènni a tres atòbius unu infatu de s'àteru fora de se giustificai, ant a èssiri cunsideraus dimissionàrius de fatu e s'incàrrigu insoru ddu at a pigai unu àteru.

Artìculu trexi **(Art. 13)**

Sa Biblioteca est posta asuta de s'amparu de s'Assessorau de su Pùbricu Imparu, chi at a podi preguntai noas e spartziri òrdinis po torracontu de issa etotu cunforma a is leis in vigori.

Artìculu catòdixi **(Art. 14)**

Totus is liburus pinnigaus apari e sa mobìlia postus in sa Biblioteca funt intregaus, po ddus custodiai e ddus allogai, a su bibliotecàriu comunali, chi at a èssiri su responsàbili a faci de s'Aministratzioni Comunali e de sa Comissioni.

Artìculu cuìndixi **(Art. 15)**

De is intradas e de is spesas po sa Biblioteca si at a depi sterri de annu in annu unu programa de bessida de dinai e unu contu consuntivu de presentai a su Consillu Comunali e a s'Assessorau de su Pùbricu Imparu.

Artìculu sexi **(Art. 16)**

Totus is volùminis depint sighiri s'iter de su liburu segundu is arrègulas internatzionalis de biblioteconomia, cun possibilis assètius chi is abisòngius de su logu cunsillant. Prus a notu: còmpera, controllu faturas, cumparàntzia, intrada, timbradura, catalogatzioni, duplicatzioni, cartellinadura, insertamentu schedas a catàlogu, collocatzioni a scaffali, prèstitu.

Artìculu dexeseti **(Art. 17)**

Pruschetotu sa Biblioteca depit tenni is catàlogus chi sighint:

- catàlogu po autoris
- catàlogu po sogetus o matèria
- catàlogu topogràficu

Artìculu dexeotu
(Art. 18)

De su chi no torrat agoa e de is dannus chi ant a tenni is òperas su bibliotecàriu at a depi sterri a sa Comissioni una relatzioni cun is arrexonis.

Artìculu dexenoi
(Art. 19)

De totus is mòbilis e imòbilis chi appartenint de sa Biblioteca at a depi èssiri stèrriu unu inventàriu patrimoniali a pillu de is normas amministrativas e contàbilis in vigori. Is liburus, is catàlogus e sa mobìlia funt de cunsiderai siendas imòbilis po destinatzioni. S'inventàriu de is òperas est formau de su registru cronològicu de is intradas o Registru d'intrada.

Su chi sa Biblioteca comentisiat còmporat cun spesas, contributus e agiudus de s'Aministratzioni Regionali est sceti impreau po tentas pùbricas e abarrat de propiedadi de su Comune.

Artìculu binti
(Art. 20)

De annu in annu su direttore de sa Biblioteca at a presentai a sa Comissioni, chi apustis de dda èssiri aprovada dda at a trasmiti a su Consillu Comunali, una programatzioni de spesa de su Contributu regionali (Lei Regionali de su binticuàturu de Totusantus de su Duamilla-cinquanta, nùmeru sessantacuàturu – L. R. 24/11/1950, n. 64) de s'annu de referimentu, e su rindicentu de s'impreu de su contributu regionali de s'annu passau cun d-una relatzioni statistica e amministrativa aingìriu de s'atividadadi e de su funtzionamentu de sa Biblioteca, de is arresurtaus otènnius e de is prospetivas de melloria e de su cresci de su servìtziu; una còpia de issa etotu at a èssiri trasmitia a is cumponentis de is ufitzius de s'Assessorau de s'Imparu pùbricu.

Artìculu bintunu
(Art. 21)

Sa diretzioni de sa Biblioteca est intregada a su bibliotecàriu chi at a èssiri tzerriau a fai su servìtziu.

TÌTULU SU DE CUÀTURU (IV)
IMPREU PÙBRICU

Artìculu bintiduus
(Art. 22)

Sa Biblioteca est oberta a totus, fora de depi pagai nudda e de fai preferèntzias. S'oràriu de oberri at a depi èssiri apicau in d-unu logu anca su pùbricu ddu biat beni. Est amìtiu a is ligidoris de si-nci acostai a is scafalis e a is liburus postus in is aponsentus innui ligi.

Artìculu bintitres
(Art. 23)

Funt amìtius a su prèstitu totus is chi ndi faint pregunta, donendi is datus anagràficus insoru, s'indiritzu, sotoscriendi s'impènniu a imperai beni e cun sentidu de responsabilidadi sa sienda

bibliografica e is àteras ainas culturalis de sa Biblioteca, agradendi totus is normas de su Regolamentu (po chini tenit prus pagu de dexeotu annus ponint sa firma su babu e sa mama). Podint èssiri intregaus in prèstitu liburus a chini no bivit a Solèminis.

Artìculu binticuàturu (Art. 24)

Su ligidori est responsàbili de is liburus stramancaus e dannegiaus arricius in prèstito o consultaus in su logu. Chini fai dannu o stramancat unu liburu depit pagai su prètziu po interu de s'òpera o a dda sostituiru cun d-una còpia totuna noa noa.

Artìculu binticincu (Art. 25)

Is ligidoris depint arrespetai s'assèliu e su dicoru de sa Biblioteca, cumportendi-sì beni e incurendi-sì de no atrupeliai su ligi e su stùdiu de is frequentatoris e de no fai dannu a is liburus e a is ainas de propiedadi de sa Biblioteca. Est donada facultadi a su bibliotecàriu de nci bogai chini no arrespetat is normas de curretesa arremonadas.

Artìculu bintises (Art. 26)

No si podit intregai in prèstito a domu a no prus de un'òpera dònna borta. Sa spartzidura de is liburus acabat mesora prima de serrai sa Biblioteca. Sa durada de su prèstito est fissau a cuìndixi diis, de rennovai chi ddu torrant a domandai e po cuncessioni de su bibliotecàriu.

Artìculu bintiseti (Art. 26)

Su prèstito est cuncèdiu a tìtulu personali. Est fatu òbrigu a no passai a àterus is òperas arricias in prèstito. Sa Comissioni at a podi suspendi su prèstito o bogai de su beneficiu de su servìtziu chini no arrespetat is normas stabilias de su Regolamentu. Lompendi a is malas, si at a podi avantzai contras a su violadori a norma de lei.

Artìculu bintotu (Art. 28)

Po arrègula funt bogaus aforas de su prèstito:

- is enciclopedias, is ditzionàrius e, po su prus, totus is òperas de consultai;
- is liburus prus imperaus in is aposentus anca podi ligi;
- is fascìculus de s'annu in cursu de is periòdicus e de is rivistas;
- totus is òperas raras e pretziosas; est facultadi de su bibliotecàriu su derogai, candu no si podit fai de mancu, a is dispositzionis arremonadas.

Artìculu bintotu - bis (Art. 28 - bis)

Est autorizau su prèstito, no prus de duus audiuisivus (VHS – CD – DVD), a patu chi:

1. su preguntadori siat iscritu a su prèstito e tengat dexotu annus e prus;

2. su prèstito no si stentit de prus de seti diis e siat de duas cosas sceti (VHS – CD – DVD);
3. is videocassetas siant cunsenniadas beni trogadas e funtzionantis;
4. is utentis chi faint dannu o stramanchint sa sienda ogetu de su prèstito si impennint a pagai su tanti de s'òpera o a dda sostituiri cun d-una sana e noa noa de bisura;
5. su Comunu siat dispensau de calisiat responsabilitadi chi ndi bessit d-unu impreu discoidau de sa sienda finas in consideru a is problemàticas de sa SIAE (“Sotziedadi Italiana de is Autoris e Editoris”).

Artìculu bintinoi
(Art. 29)

Chinisiat bollat imperai is servìtzius de sa Biblioteca depit arrespetai is normas prevìdias in su Statutu, in su Regolamentu e totus custas chi, po profetu de su servìtziu, siant de prus nomenadas de sa Comissioni o de su bibliotecàriu-diretori in s'esercitziu de is funtzionis suas.

NORMAS TRANSITÒRIAS

Artìculu trinta
(Art. 30)

Duranti sa primu fasi de su funtzionamentu e abetendi chi su Consillu Comunali nerit de eja po arregolamentai una borta po totus sa parti chi pertocat a su personali de anca destinai a sa biblioteca, custa at a èssiri intregada, cun d-unu apòsitu cunvèniu, a unu de foras de s'Aministratzioni chi at a providi a fai su servìtziu, incurendi-sì de totus is adempimentus prevìdius, in custu presenti Statutu, a càrrigu de su bibliotecàriu. Chi at podi èssiri diaici, sa Giunta Municipali nòminat unu pròpiu dipendenti cunsinniatàriu de su materiali de propiedadi de sa Biblioteca.

Artìculu trintunu
(Art. 31)

Intrada in vigori

Su presenti regolamentu intrat in vigori in sa de cuindixi diis chi sighit a sa publicatzioni sua in s'albu pretòriu, fruniu de is estremus de su provedimentu de esàmini de parti de su Comitau Regionali de Controllu.